



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

A nr. 1255/2013

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Muharrem Shala kryesues, Xhevdet Abazi dhe Hasan Shala anëtarë, duke vendosur përkitazi me ankesën e Rina Ahmeti – Kandidate për Këshilltare në Asamblen Komunale dega në Gjilan, paraqitur kundër Komisionit Qendror Zgjedhor (KQZ), për shkak të mungesës së votave, të Zgjedhjeve Lokale, në seancën e panelit të mbajtur me 06.12.2013, morri këtë:

VENDIM

REFUZOHET si e pabazuar ankesa e Rina Ahmeti – Kandidate për Këshilltare në Asamblen Komunale dega në Gjilan .

Arsyetim

PZAP-i, ka pranuar një ankesë me datë 03.12.2013 në ora 16:20 nga parashtruesi i ankesës Rina Ahmeti – Kandidate për Këshilltare në Asamblen Komunale ku ka pretenduar se, në VV 0401D/14R ka mos përputhje në FRP, ndërsa nga KQZ-ja. Nuk më figuron asnjë votë. Më tutje ka theksuar se i njëjti rast është edhe në VV 0401X/10R ku e kamë 1 votë ndërsa nga shpallja e KQZ-së nuk më figuron asnjë votë, në VV0409D/05R i kamë 3 vota ndërsa nga shpallja e KQZ-së nuk më figuron asnjë votë. Prandaj duke i marrë parasysh këto mungesa të votave kërkoi nga PZAP të marrë vendim të drejtë dhe meritore.

PZAP-i, pasi që shqyrtoi dhe analizoi shkresat e lëndës gjeti se:

ankesa është e pabazuar

Me ankesën e parashtruar nga Rina Ahmeti – Kandidate për Këshilltare në Asamblen Komunale dega në Gjilan pretendohet se në VV0401D/14R, 0401X/10R, 0409D/05R ka pasur mungesë të konsiderueshme të votave, mirëpo një pretendim i tillë është i pabazuar.

PZAP-i, konstatoi se pretendimet e tilla ankimore janë të përgjithshme dhe të pa qarta për tu vërtetuar, pasi që mungojnë prova bindëse me të cilat vihet në dyshim se është kryer një veprim i ndaluar, prandaj ankesa vlerësohet si e pa bazë, duke u bazuar në nenin 118 paragrafi 1 të LZP-së, lidhur me ankesën e lartë përmendur u vendos si në dispozitiv të këtij vendimi.

Paneli Zgjedhor për Ankesa dhe Parashtresa
Anr. 1255/2013 më datën 06.12.2013.

**Kryesuesi i Panelit
Muharrem Shala**



Këshillë Juridike: Ndaj këtij vendimi mund të paraqitni ankesë në Gjykatën Supreme të Republikës së Kosovës brenda 24 orëve nga momenti i marrjes së vendimit nga PZAP-i.